

CONVENIO DE COLABORACIÓN ENTRE A AXENCIA DE TURISMO DE GALICIA E O CONCELLO DO PEREIRO DE AGUIAR PARA ACONDICIONAMENTO DE ÁREA DE SERVIZO PARA AUTOCARAVANAS NO LUGAR DO ROUPEIRO

O xerente de Turismo de Galicia

DECLARA:

Que esta Axencia Turismo de Galicia formalizou co Concello de O Pereiro de Aguiar o instrumento convencional arriba referido por un período de vixencia que abrangue dende a data da súa sinatura ata o 31 de decembro de 2024.

Que o instrumento convencional ten por obxecto establecer o marco de colaboración entre Axencia de Turismo de Galicia e o Concello do Pereiro de Aguiar para acondicionamento de área de servizo para autocaravanas no lugar do Roupeiro.

Que existe converxencia de intereses entre as entidades asinantes en orde á consecución obxecto referido.

Que o instrumento convencional que se pretende asinar se **fundamenta** no seguinte:

Primeiro.- A Axencia Turismo de Galicia, en virtude do disposto no artigo 9 dos seus estatutos, aprobados polo Decreto 196/2012, do 27 de setembro, é a entidade pública instrumental do sector público autonómico de Galicia á que lle corresponde o impulso e execución da política turística da Xunta de Galicia en relación coa promoción da calidade e a innovación, o desenvolvemento, mellora, información e difusión do sector turístico galego, potenciando a devandita oferta, mediante a comercialización, información e difusión do produto turístico da Comunidade Autónoma de Galicia.

Para lograr esta finalidade a Axencia Turismo de Galicia acomete, no ámbito das súas competencias, un decidido apoio á promoción e fomento do sector turístico de Galicia a través daquelas accións que lle permiten acadar os seus obxectivos.

Segundo.- Que o Concello do Pereiro de Aguiar, no seu propósito de fomentar as actividades turísticas e culturais como un importante sector de desenvolvemento nas



zonas rurais, está a promover todos aqueles aspectos e actuacións que faciliten o acceso de todos os veciños e visitantes a aquelas zonas que pola súa importancia turística merecen ser visitadas.

O concello do Pereiro de Aguiar, situado no sueste da provincia de Ourense, combina as paisaxes de ribeira coas de montaña. Conta ademais con múltiples localizacións que visitar, como poden ser capelas, igrexas, castros, muíños, pazos, cruceiros, etc, ademais dunha gran gastronomía local.

Ademais a súa situación xeográfica enmárcase como unha das portas de entrada á Ribeira Sacra, co reclamo turístico que isto supón.

Debido ó anterior O Pereiro de Aguiar conta cun importante potencial turístico. Mais actualmente non conta cunha área de servizo para autocaravanas, nin existe ningunha que estea relativamente preto con concellos limítrofes.

Terceiro.- Tendo en conta esta circunstancia, xorde a necesidade de dotar ó Concello dunha área de servizo destinada a este tipo de turismo en constante crecemento nos últimos anos, sobre todo trala pandemia, aumentando así o seu atractivo para posibles novos viaxeiros.

A área de actuación sitúase nunha explanada usada para o estacionamento de vehículos, na marxe dereita da estrada OU-536 no seu P.Q. 8+800, no núcleo do Roupeiro, no concello do Pereiro de Aguiar. As actuacións consisten en transformar unha zona situada ó lado do parque infantil nunha área de servizo para autocaravanas, e máis concretamente como se especifica na Lei 7/2011, do 27 de outubro, do turismo de Galicia, unha zona especial de acollida para autocaravanas en tránsito.

Os traballos a realizar consistirán no seguinte:

1. Traballos previos

Demoleranse os pavimentos existentes na zona de actuación, o bordo perimetral do parque infantil, e por último retirárase o mobiliario público para colocar no seu novo emprazamento ó remate das obras. Tamén procederáse a cortar e arrincar a cepa das árbores próximas á zona de estacionamento, para gañar en manobrabilidade.

2. Movemento de terras



Procederáse a realizar as escavacións necesarias para o aloxamento dos servizos da zona, así como a realizar as pavimentacións que se proxectan.

3. Afirmado e pavimentación

Previa á pavimentación da zona, o terreo xa nivelado deber ser correctamente compactado para reducir os asentamentos ó mínimo posible. Despois pavimentarase con formigón HA-25 de mínimo 20 cm de espesor na súa parte menos profunda e armado con fibras de vidro a plataforma de servizo e a zona do borne de servizos. Executaranse beirarrúas e un camiño que unirá a zona de aparcamento coa zona de contedores.

4. Servizos

Un dos servizos co que debe contar a zona consistirá nun punto limpo, que será unha área de tratamento de residuos e para baleirar as augas grises e negras, ademais de dispoñer de billas de auga potable. Para estas labores disporase dun embornal con reixa e dun borne de servizo. Estas instalacións deben ser conectadas ás redes actuais de saneamento e abastecemento.

5. Mobiliario

Para confinar a actual área de contedores realizarase un peche conformado por unha malla electrosoldada con elementos de madeira, cunha porta de acceso abatible. Ademais instalaranse dúas papeleiras cilíndricas de chapa de aceiro e renovarase a marquesiña para autobuses.

6. Sinalización

Usaranse marcas viarias para a delimitación das prazas de autocaravanas e para o sinalar a prohibición de parada e estacionamento na zona da plataforma e borne de servizo. Ademais disporanse dous paneis para a sinalización da área: un cadro rotulado coas normas de uso e outro coa sinalización de acceso.

7. Varios

Inclúense partidas para a reposición de servizos afectados de maneira imprevista e para limpeza e remate das obras.

8. Xestión de residuos

Transporte dos residuos xerados a xestores autorizados.



Cuarto.- Que este proxecto supón a posta en valor dos recursos turísticos do concello, o que tamén contribuirá á revalorización do turismo da Comunidade Autónoma co obxectivo de incrementar a favorecer a atención ao turismo de autocaravana, dada a gran demanda existente e a pouca oferta na nosa comunidade para as persoas usuarias que optan por esta forma de viaxar.

Este proxecto supón a posta en valor dos recursos turísticos do concello, o que tamén contribuirá á revalorización do turismo da Comunidade Autónoma.

Que a través deste convenio, outórgase ó Concello de O Pereiro de Aguiar unha subvención directa en virtude do disposto no artigo 19.4 c) da Lei 9/2007, do 13 de xuño, de subvencións de Galicia, polas razóns de interese público, social, económico e humanitario expostas nos puntos anteriores que dificulta a súa convocatoria pública, de conformidade co previsto no artigo 26.2.a) da Lei 9/2007 do 13 de xuño, de subvencións de Galicia.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados Lei 9/2017, do 8 de novembro, de contratos do sector público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago de Compostela

O xerente de Turismo de Galicia

Antonio Casas Calviño

